



# Mga Bakuna sa COVID-19 - Mga Kadalasang Katanungan

## MGA PANGUNAHING KAALAMAN SA BAKUNA



### Bakit mahalaga ang mabakunahan?

Pinoprotektahan ng mga bakuna sa COVID-19 ang mga tao mula sa malubhang sakit mula sa COVID-19 at mauwi sa pagkakahospital o pagkamatay. Binabawasan din nila ang panganib na magkaroon ng malalang sakit mula sa COVID-19 (tulad ng matagal na COVID), at mula sa pagliban sa trabaho at paaralan.

Bukod dito, ang pagpapabakuna ay nagpapababa sa panganib ng paghawa ng COVID-19 sa ibang tao. Ito ay lalong nakakatulong sa pagprotekta sa mga taong may [mas mataas na panganib na magkasakit](#).

Inirerekomenda na ang mga taong nagkaroon na ng COVID-19 sa nakaraan ay magpapabakuna pa rin upang palakasin ang imyunidad at upang mabawasan ang kanilang panganib na mahospital dahil sa pagkakaroon ng COVID-19.

### Gaano kahusay gumagana ang mga bakuna?

Ang mga bakuna ng COVID-19 ay mahusay na gumagana sa pagprotekta laban sa malublang sakit, pagkakahospital at pagkamatay mula sa COVID-19. Kumpara sa mga taong [napapanahon](#) sa kanilang mga bakuna sa COVID-19, ang mga hindi pa nabakunahang tao ay [mas malamang na magkaroon ng COVID-19](#), mas malamang na [mahospital dahil nagkaroon ng COVID-19](#), at mas malamang na [mamatay mula sa COVID-19](#).

Nakikita ng mga eksperto na maaaring humina ang proteksyon sa paglipas ng panahon, lalo na para sa ilang partikular na grupo ng mga tao, tulad ng mga nasa edad na 65 taong gulang pataas at mga taong may mahinang sistema ng imyunidad. Ang mga binagong (bivalent) pampalakas na mga bakuna para sa taglagas (fall booster) ay nakakatulong upang maibalik ang proteksyon na humina sa paglipas ng panahon and magbigay ng mas malawak na proteksyon laban sa mga bagong baryante. Ito ang dahilan kung bakit inirerekomenda ang pampalakas na bakuna para sa taglagas (fall booster) para sa lahat ng edad 5 pataas. (Tingnan ang [Mga Dosis ng Pampalakas na Bakuna](#) para sa mas marami pang impormasyon.)

Habang nagbabago ang agham at ang virus, gayundin ang mga rekomendasyon sa bakuna. Patuloy na sinusubaybayan ng mga siyentipiko at mga medikal na eksperto ang mga palatandaan ng pagbaba ng imyunidad sa mga taong may iba't ibang edad at may iba't ibang mga elemento ng panganib. Tinitingnan din nila kung gaano kahusay ang pagpoprotekta ng mga bakuna laban sa mga bagong baryante ng virus.

### Anong mga bakuna ang magagamit sa Amerika?

Apat na mga bakuna sa COVID-19 ang inaprubahan o pinahintulutan sa Amerika para mapigilan ang COVID-19. Ang mga ito ay ginawa ng Pfizer-BioNTech (tatak na panglan ay Comirnaty), Moderna (tatak na pangalan ay Spikevax), Novavax, at Johnson & Johnson. Ang mga bakunang Pfizer at Moderna ay pinahuntulutan para sa mga taong edad 6 na buwan pataas. Ang mga bakunang Novavax ay pinahintulutan para sa mga taong may edad na 12 taong gulang pataas. Ang Johnson & Johnson (Ang mga bakunang J&J) ay pinahintulutan para sa mga nasa hustong gulang na 18 taong gulang pataas.

Inirerekomenda ng CDC ang mga bakunang Pfizer, Moderna, at Novavax para sa COVID-19 kaysa sa bakuna ng J&J. Ang bakunang J&J ay maaaring [ikonsidera sa ilang mga sitwasyon](#).



# Mga Bakuna sa COVID-19 - Mga Kadalasang Katanungan

## MGA PANGUNAHING KAALAMAN SA BAKUNA

Para malaman pa ang mas marami, bisitahin ang webpage ng CDC sa [Manatiling Napapanahon sa Iyong mga Bakuna sa COVID-19 Kabilang ang Pampalakas na Bakuna \(Booster\)](#).

### Saan ako makakakuha ng mas marami pang impormasyon?



- Para ilimbag (print) o makita ang Mga Katanungan o Mga Kadalasang Katanungan sa iba pang mga paksa sa bakuna ng COVID-19, iiskan ang QR na kodigo (code) o bisitahin ang [Mga Kadalasang Katanungan sa Bakuna ng COVID-19](#).
- [VaccinateLACounty.com](#) – kabilang ang [Mga Iskedyul ng Bakuna ng COVID-19](#) na may mga larawan para ipakita kung kailan ang bawat dosis ay dapat ibigay at impormasyon sa kung [Paano Makakakuha ng Bakuna](#).
- [Mga Bakuna para sa COVID-19](#) na webpage ng CDC.
- Itanong sa iyong doktor kung mayroong kang mga katanungan.